



მიტროპოლიტი ილარიონი: ეკლესიის შემოსავლების ირგვლივ არაჯანსაღი აუიოტაუი ყველაზე ხშირად ანტისაეკლესიო სპეკულაციებთან არის დაკავშირებული



2021 წლის 25 სექტემბერს გადაცემაში „ეკლესია და მსოფლიო“, რომელიც შაბათს და კვირას ტელეარხ «Россия 24»-ზე გადის, მოსკოვის საპატრიარქოს საგარეო საეკლესიო კავშირების განყოფილების თავმჯდომარემ, ვოლოკოლამსკის მიტროპოლიტმა ილარიონმა გადაცემის წამყვანის, ეკატერინა გრაჩევას კითხვებს უპასუხა.

ე. გრაჩევა: ეს არის დრო გადაცემისა „ეკლესია და მსოფლიო“ ტელეარხ «Россия 24»-ზე, სადაც ჩვენ ყოველ კვირას კითხვებით მივმართავთ მოსკოვის საპატრიარქოს საგარეო საეკლესიო კავშირების განყოფილების თავმჯდომარეს, ვოლოკოლამსკის მიტროპოლიტ ილარიონს. ახლა ის ჩვენთან პირდაპირ კავშირზეა. მეუფევ, მოგესალმებით!

მიტროპოლიტი ილარიონი: მოგესალმებით, ეკატერინე! მოგესალმებით, ძვირფასო ძმებო და დებო!

ე. გრაჩევა: მინდა დავინყო სახელმწიფო დუმის განვლილი არჩევნებით. წინა მოწვევა ისტორიაში შევიდა ისეთი ფართოდ განხილული გადაწყვეტილებებით, როგორცაა კონსტიტუციის ცვლილება, საპენსიო ასაკის გაზრდა, რენოვაცია. რას ელით ახალი მოწვევის დუმისგან? რას ურჩევდით მათ, პირველ რიგში საით მიმართონ თავიანთი ძალები?

მიტროპოლიტი ილარიონი: კანონმდებლობა მუდმივ სრულყოფას მოითხოვს. კანონმდებლობაში ბევრი ხვრელია, რომელიც ახალი მოწვევის სახელმწიფო დუმის მიერ უნდა აღმოიფხვრას.

მე მიმაჩნია, რომ ყურადღება უნდა მიექცეს სამ ძირითადი სფეროს, რომელშიც ჩვენ გაუმჯობესება გვჭირდება. პირველი – ეს ადამიანების კეთილდღეობაა. ეს უპირველესად იმ ადამიანებს ეხება, ვინც სოციალური პირამიდის ბოლოში ან ბოლოსთან ახლოს არიან, ესენი არიან ღარიბები, შეზღუდული შესაძლებლობების მქონე პირები, მოხუცები – ერთი სიტყვით, ვისაც არ ყოფნით ფული საცხოვრებლად. მე ვფიქრობ, კანონმდებლობა მუდმივად უნდა სრულყოფილდებოდეს, რათა ჩვენს სამშობლოში თითოეულმა ადამიანმა ღირსეულ დონეზე იცხოვროს.

მეორე სფერო, სადაც ჩვენს კანონმდებლებს შეუძლიათ და უნდა გამოიყენონ თავიანთი ნიჭი და შესაძლებლობები, – ეს არის ზნეობრიობა. კანონმდებლობა არ შეიძლება განვიხილოთ მორალისგან განცალკევებით. თუ ჩვენ მივიღებთ ღირებულებებს, რომლებსაც ძალიან ხშირად თავს გვახვევს დასავლეთის ლიბერალური საზოგადოება, ჩვენი ქვეყნისთვის ეს გახდება გზა არსაით. ჩვენ ყველამ უნდა ვიზრუნოთ იმაზე, რომ ტრადიციული ზნეობრივი ფასეულობები, რომლებზეც საუკუნეების მანძილზე იგებოდა კაცობრიობის ცხოვრება, მათ შორის ჩვენი ქვეყნის ცხოვრება, უნდა განივრცოს, განმტკიცდეს, პოპულარული გახდეს ყველა შესაძლო გზით და, უპირველესად, მასმედიის საშუალებით.

რამდენიმე ხნის წინ პერმის სახელმწიფო უნივერსიტეტში ტრაგედია მოხდა, როდესაც ახალგაზრდა ადამიანმა იარაღი აიღო და უდანაშაულო ადამიანებს ესროლა. ჩვენ უნდა მივიღოთ გარკვეული საკანონმდებლო ზომები, რომლებიც გამორიცხავს ასეთი უგუნურების მიერ იარაღის გამოყენების შესაძლებლობას. მე არ მესმის, საერთოდ რატომ უნდა იყიდებოდეს იარაღი ჩვეულებრივ სამოქალაქო პირებზე. საჭიროა, რომ ჩვენმა კანონმდებლებმა იფიქრონ ამაზე.

ბოლოს, მესამე სფერო, რომელიც პირველთან არის დაკავშირებული, – ეს არის შობადობა. ამასთან მოცემული პრობლემის გადანყვეტა მჭიდრო კავშირშია მოსახლეობის კეთილდღეობის მდგომარეობის გაუმჯობესებასთან. ჩვენს ქვეყანაში დაბალი შობადობაა. საკანონმდებლო ზომები, რომლებიც აუცილებელია იმისთვის, რომ შობადობა გაიზარდოს, გადაუდებლად უნდა იქნეს მიღებული, რადგან თუ ჩვენი ქვეყნის მოსახლეობა შემცირდება, ადრე თუ გვიან სხვა ხალხი მოვა ჩვენს შესაცვლელად, რომლებიც დაიპყრობენ ჩვენს ქვეყანას და დაეპატრონებიან.

ე. გრაჩევა: მეუფე, საკანონმდებლო ინიციატივების თემის გაგრძელება. შრომის სამინისტრომ შეიმუშავა კანონპროექტი, რომლის თანახმადაც, უკვე 2022 წლიდან ჩვენს ქვეყანაში ოჯახებს, სადაც მამა არის მშობელი, ხოლო მეუღლე – სუროგატი დედისგან დაბადებული შვილის მშვილელი, შეუძლიათ მიიღონ დედობრივი კაპიტალი. მსგავსი რამ მანამდე შეუძლებელი იყო. მე ვფიქრობ, რომ ეს ნაბიჯი შეიძლება სახელმწიფოს მხრიდან ყველა არსებული საშუალებით შობადობის გასაზრდელ ნახალისებად ჩაითვალოს. თქვენ როგორ შეაფასებთ ამ საკანონმდებლო ინიციატივას? როგორია რუსეთის მართლმადიდებელი ეკლესიის პოზიცია ამ საკითხთან დაკავშირებით?

მიტროპოლიტი ილარიონი: ეკლესიის პოზიცია სუროგატული დედობის შესახებ მის ოფიციალურ დოკუმენტებში ცალსახად არის გამოხატული. ეკლესია არ ცნობს სუროგატულ დედობას, და მამისა და დედისგან შვილიერების ღვთივდადგენილ წესრიგში ჩარევად მიიჩნევს. ამრიგად, ნებისმიერი ღონისძიება, სუროგატული დედობის მხარდაჭერისკენ მიმართული, ეკლესიის მიერ მოწონებული ვერ იქნება. როგორც ეკლესიის წარმომადგენელი, მე ვფიქრობ, რომ სახელმწიფომ ყველა ღონე უნდა იხმაროს, რათა მიაღწიოს სიკვდილიანობის შემცირებასა და შობადობის ზრდას, მაგრამ არა ტრადიციული ზნეობრივი ღირებულებების დაკარგვის ხარჯზე.

თუ ჩვენ ვისაუბრებთ სიკვდილიანობის შემცირებაზე, მაშინ უკვე წელიწადნახევარია ვცხოვრობთ პანდემიურ პირობებში. ჩვენ პირველებმა გამოვიგონეთ კორონავირუსის ვაქცინა, მაგრამ ჯერ კიდევ ჩვენი ქვეყნის მესამედზე ნაკლები არის ვაქცინირებული. ეს რაზე მეტყველებს? იმაზე, რომ კამპანია ვაქცინაციის ხელშეწყობისთვის, ვაქცინების პროპაგანდირებისთვის დიდწილად ჩაიშალა. ჩვენ ვერ დავარწმუნეთ ჩვენი ხალხი იმაში, რომ საჭიროა ვაქცინაცია. ჩვენ ვერ დავარწმუნეთ ბევრი ადამიანი იმაში, რომ ვაქცინაცია საჭიროა, შესაძლოა, არა იმდენად თავად მათთვის, რამდენადაც ეს მნიშვნელოვანია ახლობლების, მათ გარშემო მყოფი ადამიანების სიცოცხლის გადასარჩენად.

მე ვფიქრობ, რომ საკანონმდებლო ინიციატივები, რომლებიც განაპირობებენ სიკვდილიანობის შემცირებას, ახლა ძალიან მოთხოვნადი და აუცილებელია, ისევე, როგორც, რა თქმა უნდა, საკანონმდებლო ინიციატივები, რომლებიც მიმართულია შობადობის გაზრდისკენ. მაგრამ, განვმეორდები, არა ტრადიციული ღირებულებების უარყოფის ხარჯზე.

ე. გრაჩევა: სხვა თემებზე. რუსეთის მართლმადიდებელი ეკლესიის ჩეხოქსარისა და ჩუვაშეთის ეპარქიის მმართველმა თავისი ეპარქიის ერთ-ერთი ტაძრის მღვდელს მსახურება შეუჩერა. მისი სახელია რომან სტეპანოვი. მიზეზი ის იყო, რომ მან მოუწოდა პატრიარქ კირილეს და სხვა მმართველ იერარქებს, საზოგადოებას მოუყვინთა თავიანთი შემოსავლისა და კუთვნილი ქონების შესახებ. რატომ არის რუსეთის მართლმადიდებელი ეკლესიის ქონებისა და შემოსავლების თემა ასეთი მგრძობიარე და მტკივნეულიც კი რუსეთის მართლმადიდებელი ეკლესიისთვის? რატომ არ შეიძლება ამ მონაცემების გასაჯაროება?

მიტროპოლიტი ილარიონი: პირველი, რამდენადაც მე ვიცი, ამ მღვდელს მსახურება აუკრძალეს არა იმიტომ, რომ მან შემოსავლების გამჟღავნებისკენ მოუწოდა, არამედ იმიტომ, რომ მისი ზნეობრივი სახე არ შეესაბამებოდა მის მაღალ ნოდებას. მეორეც, მე ვფიქრობ, რომ ეკლესიის, ეკლესიური ხალხის, სასულიერო პირების შემოსავალი – ეს არ არის ის თემა, რომლის შესახებაც ჩვენ საუბრის უნდა გვემინოდეს. ჩვენ არ გვემინია ამ თემაზე საუბარი. მე არაერთხელ მეკითხებოდნენ, და მე ვუპასუხე ამ კითხვებს, როგორია ჩემი შემოსავალი, საიდან მოდის. მე ვისაუბრე ჰონორარებზე, რასაც ვიღებ ჩემი წიგნებისთვის. მე ვიცი, რომ ბევრ სასულიერო პირს საერთოდ არ რცხვენია თავიანთ შემოსავლებზე საუბარი, რადგან ეს შემოსავლები მიღებულია პატიოსანი შრომით. ადამიანი მუშაობს – ის იღებს შემოსავალს, ეს სავსებით ბუნებრივია.

არაჯანსაღი აჟიოტაჟი, რომელიც ეკლესიის შემოსავლის თემის ირგვლივ აღმოცენდება, ყველაზე ხშირად სხვადასხვა სახის სპეკულაციასთან, ეკლესიის წინააღმდეგ ცილისწამებასთან არის დაკავშირებული, რომელიც ვრცელდება როგორც ტრადიციული მასმედიის საშუალებით, ასევე სხვადასხვა Telegram-არხებით, რომლებიც თავიანთი ანონიმურობის ძალით არავითარ პასუხისმგებლობას არ ატარებენ კანონის წინაშე, არც ხალხის და არც ღმერთის წინაშე. ამიტომ, ისინი დაუსჯელად ავრცელებენ მრავალფეროვან ინფორმაციას, მათ შორის უამრავ სიცრუეს.

მინდა მოვუწოდო ჩვენს მაყურებელს, არ ენდონ ამგვარი ცრუ ინფორმაციის გამავრცელებლებს, არამედ მოუსმინონ, უპირველეს ყოვლისა, იერარქიის ხმას.

ე. გრაჩევა: ახლა რუსეთის განათლების საკითხის, უფრო სწორად, სწორედ ამ განათლების ნაყოფის შესახებ. ტელენამყვანსა და ბლოგერს ნასტია ივლეევას, რომელიც ოცდაათი წლისაა, **forbs**-ის თანახმად, მისი წლიური შემოსავალი 2,7 მილიონ დოლარს შეადგენს. მან მისცა ინტერვიუ და ვერ უპასუხა კითხვებს, მაგალითად, ვინ არის რომანის „მამებისა და შვილების“ ავტორი, რა გვარს ატარებდა პეტრე I. უნდა ითქვას, რომ ამასთანავე ნასტია ივლეევა ახალგაზრდებს შორის ნდობის რეიტინგში მეოთხე ადგილზეა. მას თავად არ რცხვენია თავისი მოკრძალებული ცოდნის და ამბობს, რომ ეს მას ხელს არ უშლის კარგად გამომუშავებაში. მაშ, როგორ დავარწმუნოთ ახალგაზრდები სწავლის აუცილებლობაში, თუკი ის პირდაპირ დამოკიდებულებაში შემოსავლის დონესთან უკვე აღარ არის?

მიტროპოლიტი ილარიონი: ცხოვრების ხარისხი განისაზღვრება არა მხოლოდ მატერიალური კეთილდღეობით. თუკი ჩვენ ამას არ ვასწავლით ჩვენს შვილებს და სტუდენტებს, მაშინ ყველაზე მნიშვნელოვანზეც არ მოვუთხრობთ: რაში მდგომარეობს ცხოვრების აზრი.

მატერიალური კეთილდღეობა – ადამიანის ბედნიერების მხოლოდ ერთ-ერთი კომპონენტია. თუკი ადამიანმა ცოტა იცის, თუ ის ცუდად არის განათლებული, მაშინ უფრო განათლებულ ადამიანებთან შეხვედრისას, რომლებმაც მეტი იციან, ის ყოველთვის იგრძნობს საკუთარ უკმარისობას, არასრულფასოვნებას. ეს მონამლავს მის ცხოვრებას. რაც უფრო მეტი იცის ადამიანმა რაც უფრო განათლებულია ის, მით უფრო სრულფასოვანი და მდიდარია მისი ცხოვრება.

ცოდნის შექენა აუცილებელია არა მხოლოდ იმისთვის, რომ მატერიალური დაჯილდოება მიიღოთ. მაინც მიუხედავად ამისა, ბევრის გამოცდილება, მე ვიტყვოდი, ადამიანების უმეტესობისა, აჩვენებს, რომ რაც უფრო მეტი იცის, თუკი მას შეუძლია ეს ცოდნა პრაქტიკაში გამოიყენოს, მით მეტს იღებს საბოლოოდ.

ე. გრაჩევა: აი, სრულიად სხვა ხასიათის ამბავი: 9 წლის ალისა ტეპლიაკოვა, რომელიც ცნობილი გახდა მთელს ქვეყანაში იმით, რომ რვა წლის ასაკში ერთიანი ეროვნული გამოცდები ჩააბარა და მოსკოვის

სახელმწიფო უნივერსიტეტის ფსიქოლოგიის ფაკულტეტზე ჩაირიცხა, სწავლის დაწყებისას, ბუნებრივია, ყველაზე ახალგაზრდა იყო თავის თანაკურსელებში. ისინი აღნიშნავენ, რომ სასწავლო პროცესში, როგორც პირდაპირ, ასევე დისტანციურად, მას უჭირს, რომ მას ყოველთვის არ ესმის რა ხდება ლექციებზე. მეუფევ, როგორ ფიქრობთ, ღირდა თუ არა ბავშვის გაგზავნა ასეთ ადრეულ ასაკში უნივერსიტეტში სასწავლებლად? რა თქმა უნდა, ბავშვი დიდი ნიჭითაა დაჯილდოებულია, მაგრამ ამით მას ბავშვობა წაერთვას?

მიტროპოლიტი ილარიონი: ბავშვობის ჩამორთმევის საკითხი მშობლებმა უნდა დააყენონ საკუთარი თავის წინაშე, რა თქმა უნდა, თავად ბავშვის ინტერესების გათვალისწინებით.

შემიძლია მოგიხსნათ ჩემი ბავშვობის შესახებ. მე არასოდეს ვყოფილვარ ვუნდერკინდი, მაგრამ გარკვეული გაგებით მოკლებული ვიყავი ბავშვობას, რადგან მთელ თავისუფალ დროს მუსიკის გაკვეთილებზე ვხარჯავდი, და არასოდეს ამის შესახებ არ მინანია. სხვა ბავშვები ეზოში თამაშობდნენ, ზოგი ფეხბურთს თამაშობდა, ზოგი – ფრენბურთს, ზოგი უბრალოდ უსაქმურად ატარებდა დროს, მე კი დღეში მინიმუმ სამი საათი ვივლინოს ვანრიპინები – მერვე კლასამდე. მაგრამ არ ვნანობ ამას, რადგან საბოლოოდ ამ საქმემ ბევრი რამ მომცა. მართალია, მე არ ვაგვმხდარვარ მევიოლინე, მუსიკოსი, მაგრამ ამან ხელი დიდად შეუწყო ჩემს ინტელექტუალურ და კულტურულ განვითარებას. ამ მუსიკის გაკვეთილების მეშვეობით ბევრი რამ გავიგე.

ვფიქრობ, თუ ბავშვს აქვს შესაძლებლობები და განსაკუთრებით გამორჩეული შესაძლებლობები, მაშინ ძალიან მნიშვნელოვანია მათი განვითარება. ჩვენ შეგვიძლია მოვიყვანოთ მრავალი ადამიანის მაგალითი, რომლებმაც თავიანთი შემოქმედებითი, პროფესიული საქმიანობა ძალიან ადრეულ ასაკში დაიწყეს. საკმარისია გავიხსენოთ მოცარტი, რომელიც, ჯერ კიდევ ბავშვი, უკვე მუსიკას წერდა და სოლო კონცერტებზე გამოდიოდა.

მე არ ვფიქრობ, რომ ბავშვის ამ ინტელექტუალური პოტენციალის განვითარება, თუნდაც ის მნიშვნელოვნად უსწრებდეს თანატოლებს, ნიშნავს, რომ მას ბავშვობა წაართვეს. უბრალოდ მას სხვა ბავშვობა ექნება, უფრო საინტერესო და შინაარსიანი, ვიდრე მის თანატოლებს.

ე. გრაჩევა: დიდი მადლობა, მეუფევე, რომ უპასუხეთ ჩვენს შეკითხვებს.

მიტროპოლიტი ილარიონი: გმადლობ, ეკატერინე.

გადაცემის მეორე ნაწილში მიტროპოლიტმა ილარიონმა ტელემაყურებლების შეკითხვებს უპასუხა, რომლებიც პროგრამის – „ეკლესია და მსოფლიო“ – საიტზე შემოვიდა.

კითხვა: მეუფევე, მე არაერთხელ დავსვი ეს კითხვა გადაცემა „ეკლესიისა და მსოფლიოს“ საიტზე, მაგრამ პასუხი არ მიმიღია. რატომ აიგივებს ეკლესია აბორტს მკვლევლობასთან? ამას შესახებ სად წერია ბიბლიაში? გთხოვთ, მოიყვანოთ, ციტატა.

მიტროპოლიტი ილარიონი: გიპასუხებთ, ოლგა. ბიბლიაში არ არსებობს ციტატა, რომელიც ლაპარაკობს აბორტის შესახებ, რადგან აბორტი, რამდენადაც შემორჩენილი მოწმობების მიხედვით შეიძლება ვიმსჯელოთ, იმდროინდელ ისრაელის ხალხში გავრცელებული არ იყო და, შეიძლება, საერთოდ არც არსებობდა.

ბიბლია არ წარმოადგენს რეკომენდაციების კრებულს ყველა ცხოვრებისეული მოვლენის შესახებ. ადამიანის ცხოვრებაში ბევრი ახალი მოვლენაა, რომელთა შესახებაც ბიბლიაში სიტყვა არ არის ნათქვამი. მაგრამ თუ ბიბლიაში რაღაც არ არის ნათქვამი, ეს არ ნიშნავს რომ ამის გაკეთება შეიძლება.

ეკლესიის თვალთახედვით, ბიბლია წმინდა გარდამოცემის ნაწილს წარმოადგენს. ეკლესიისთვის წმინდა გარდამოცემა არანაკლებ ძვირფასი და არანაკლებ მნიშვნელოვანია, ვიდრე წმინდა წერილი. ხოლო ეკლესიის წმინდა გარდამოცემა მისი არსებობისთანავე აბორტს მკვლევლობას უთანაბრებდა.

რამდენიმე ციტატას მოგიყვანთ. II საუკუნის აპოლოგეტი ათენაგორა ათენელი: „ქალი, რომელმაც მუცელი მოიშალა, არის მკვლელი და გასცემს პასუხს ღვთის წინაშე, რადგან საშვილოსნოში მყოფი

ჩანასახი ცოცხალი არსებაა, რომელზეც უფალი ზრუნავს“. აი, ციტატა წმინდა ბასილი დიდის კანონიკური წესებიდან: „წინასწარი განზრახვით მუცელში ჩვილის მკვლელს კაცისკვლის სასჯელი ედება. ვინც ორსულ ქალს მუცლის მოსაშლელ ნამალს მისცემს, კაცისმკვლელია, ისევე როგორც მუცლისმოსაშლელი სანამლავის მიმღები“. ბევრი სხვა ტექსტის მოყვანა შეიძლება, რომლებიც ცალსახად აბორტს მკვლელობას უთანაბრებენ.

კითხვა: პატივცემულო მიტროპოლიტო ილარიონ! მე რთული სიტუაცია მაქვს, რომლის გარკვევასაც გთხოვთ. საყოველთაოდ ცნობილია ეკლესიის უარყოფითი პოზიცია აბორტთან მიმართებაში. მღვდელი ქალს არასოდეს მისცემს კურთხევას ასეთი ქმედებისთვის, რეალურად – მკვლელობისთვის. თუ ის გადაწყვეტს ამის გაკეთებას, მაშინ მოჰყვება ეკლესიის სასჯელი – უზიარებლობა. მაგრამ, გავიგე, რომ ქმარიც, რომელმაც ცოლის აბორტი დაუშვა, 20 წლით ზიარებიდან განეყენება. მე დავუშვი აბორტი და, რა თქმა უნდა, ამის გამო ძალიან ვწუხვარ. მიუხედავად იმისა, რომ ამ გადაწყვეტილებაზე არავისთან მისაუბრია, მაგრამ თავად ჩემს თავს ავუკრძალე წმინდა ზიარების მიღება. რამდენად სწორად მოვიქეცი და მაქვს თუ არა შესაძლებლობა, რომ გამოვისყიდო ეს ცოდვა, ან ზიარებასთან მიახლებას მხოლოდ 2038 წელს შევძლებ?

მიტროპოლიტი ილარიონი: თქვენ აბსოლუტურად მართალი ხართ, რომ მამაკაცს, რომელმაც ხელი შეუწყო აბორტს, ამის შესახებ პასუხისმგებლობა ეკისრება ისევე, როგორც ქალს, რომელმაც ეს გააკეთა. ამის შესახებ პირდაპირ არის საუბარი „რუსეთის მართლმადიდებელი ეკლესიის სოციალური კონცეფციების საფუძვლებში“. მაგრამ ამ ცოდვისთვის სასჯელი მისაღებად, თქვენ უნდა მიმართოთ მღვდელს. უპირველეს ყოვლისა, თქვენ უნდა მიხვიდეთ აღსარებაზე, მოყვეთ იმაზე, რა მოხდა, და უკვე მღვდელი განსაზღვრავს სასჯელს. ზიარებისგან თავი შეიკავოთ 20 წლის განმავლობაში თუ ერთი წლის განმავლობაში – ამას მღვდელი გეტყვით.

კითხვა: მე თავს რელიგიურად ვთვლი, თუმცა ეკლესიაში დავდივარ მხოლოდ დიდ დღესასწაულებზე. მე არ მესმის, რატომ არის აუცილებელი ყოველ კვირას ეკლესიაში სიარული და რატომ არის აუცილებელი ზიარების წინ სადღესასწაულო ლოცვაზე დასწრება?

მიტროპოლიტი ილარიონი: თქვენ იცით, რომ საერთოდ ტაძარში მისვლის არავითარი საჭიროება არ არის. თუ თქვენ არ გინდათ, შეგიძლიათ საერთოდ არ წახვიდეთ ტაძარში. ჩვენ ტაძარში მივდივართ არა აუცილებლობის გამო, არამედ იმიტომ, რომ იქ გული გვინევს. ჩვენ ასევე ვიღებთ ზიარებას არა

აუცილებლობის გამო, არამედ იმიტომ, რომ ჩვენ გვსურს ღმერთთან შეერთება.

კითხვა იმაზე, თუ რამდენად ხშირად უნდა ვენვიოთ ტაძარს, არის კითხვა, რომელიც თქვენ თვითონ უნდა დაუსვათ საკუთარ თავს და თავად გასცეთ პასუხი. არიან ადამიანები, რომლებიც ყოველ კვირას დადიან ტაძარში. არიან ისეთებიც, რომლებიც მხოლოდ დიდ დღესასწაულებზე მიდიან. ეს პირველ რიგში დამოკიდებულია თქვენს შინაგან მდგომარეობაზე. არავის შეუძლია დაგაკისროთ ტაძარში სიარულის ვალდებულება. მაგრამ მეჩვენება, რომ ადამიანი, რომელსაც უყვარს სხვა ადამიანი, ცდილობს რაც შეიძლება ხშირად იყოს ამ ადამიანთან და ის არ ამბობს: რატომ არის საჭირო შენთან შეხვედრა კვირაში ერთხელ ან ორ კვირაში ერთხელ, თუ მას მართლა უყვარს ეს ადამიანი. თუ ის შეხვედრა ადამიანს მხოლოდ აუცილებლობის გამო, მოვალეობის გრძნობის გამო, ეს ნიშნავს რომ მას არ უყვარს იგი. შესაბამისად, თუ ადამიანი დასვამს შეკითხვას ასეთი სახით: რისთვისაა ტაძარში მისვლა აუცილებელი, მაშინ, ალბათ, ადამიანს საკმარისად არ უყვარს უფალი და ეკლესია.

შეეცადეთ გააღვივოთ თქვენში სიყვარული ეკლესიისადმი, ღვთისმსახურებისადმი. შეეცადეთ შეინაწყოთ ღვთისმსახურება, ღვთისმსახურების სიტყვებს მოსმენა, ჩანვდეთ მის აზრს, ის გაიხსნება თქვენთვის ახალი და ახალი ნახნაგებით.. მაშინ თქვენ უკვე აღარ იკითხავთ, რაშია ღვთისმსახურებაზე წასვლის აუცილებლობა, არამედ გამოიყენებთ ყოველ შესაძლებლობას ღვთისმსახურებაზე წასასვლელად, ტაძარში სამყოფელად, ღმერთთან სამყოფელად, ღვთისმსახურების სიტყვებთან საზიარებლად.

კითხვა: ძვირფასო მეუფე, გამარჯობა! მითხარით, მართალია, რომ წმინდა წერილის ზოგიერთი ნაწილი ვატიკანის გავლენით დაიკარგა ან გადაინერა და რედაქტირებული იქნა შუა საუკუნეების კათოლიკურ მონასტრებში? მადლობა.

მიტროპოლიტი ილარიონი: თუკი მოკლედ ვუპასუხებთ, ეს სიმართლე არ არის. თუ ცოტა უფრო დეტალურად ვუპასუხებთ, მაშინ უნდა ითქვას იმის შესახებ, რომ წმინდა წერილი დაახლოებით ათას ხუთასი წლის განმავლობაში არსებობდა მხოლოდ ხელნაწერების ტრადიციით, ეს ნიშნავს რომ მას ხელით ინერდნენ ბერძნულ ენაზეც, ჩეხურ ენაზეც, ლათინურ ენაზე, როგორც ეს იყო დასავლეთში. რასაკვირველია, გადანერისას ტექსტში შეიძლება გაიპაროს გარკვეული შეცდომები, გამოტოვებები, ცვლილებები. მთელი უზარმაზარი სამეცნიერო სფერო არსებობს, რომელსაც ბიბლიესტიკა ეწოდება და ბიბლიური ტექსტოლოგიით არის დაკავებული, ანუ ბიბლიის ტექსტის ისტორიით.

შემიძლია სრული პასუხისმგებლობით გითხრათ, რომ არაფერია, არც ვატიკანში, არც დასავლეთში და არც აღმოსავლეთში, სპეციალურად არ ცვლიდა წმინდა წერილის ტექსტებს და არ იღებდა მისგან ამა თუ იმ ფრაგმენტს, მაგრამ რადგან ტექსტი ხელნაწერითი ტრადიციით არსებობდა, მართლაც არის ერთი და იგივე ტექსტის მრავალი ვარიანტი, ერთი და იმავე ფრაზის. კრიტიკული ბიბლისტიკა სწორედ ამით არის დაკავებული. ბიბლიის თანამედროვე გამოცემები, როგორც წესი, ემყარება კრიტიკული ბიბლესტიკის მიღწევებს, ანუ ხელნაწერით ტრადიციაში არსებული ტექსტის ყველა სიმრავლიდან, როგორც წესი, ყველაზე საიმედო გამოირჩევა.

კითხვა: შეუძლია თუ არა სუროგატ დედას, რომლის შვილიც მასთან დარჩა, ამ ბავშვის ნათლია გახდეს, რათა მათ შორის კავშირი კიდევ უფრო მჭიდრო გახდეს?

მიტროპოლიტი ილარიონი: ჩემი პასუხი ცალსახაა – არ შეუძლია. სუროგატი დედა საერთოდ ვერ გახდება ნათლია, რადგან მან ჩაიდინა ქმედება, რომელიც შეუთავსებელია ეკლესიის სწავლებასთან. თუ მან ამის შესახებ იცოდა [და გააკეთა], მაშინ მას რა შეუძლია ასწავლოს ბავშვს? და თუ მან ამის შესახებ არ იცოდა, მით უმეტეს, რის სწავლას შეძლებს ის ბავშვისთვის?

ნათლია შეიძლება გახდეს მხოლოდ ის ქალი, რომელიც ენდობა ეკლესიას, ცხოვრობს საეკლესიო წესდებების თანახმად და არ დაუშვებს იმას, რაც ეკლესიის მიერ პირდაპირ აკრძალულია.

ვისურვებდი ეს გადაცემა დავასრულო პავლე მოციქულის სიტყვებით რომაელთა მიმართ ეპისტოლიდან: „**რამეთუ საგზალი ცოდვისაჲ სიკუდილი არს, ხოლო ნიჭი ღმრთისაჲ – ცხორებაჲ საუკუნოჲ ქრისტე იესუმს მიერ უფლისა ჩუენისა**“ (რომ. 6.23).

გისურვებთ ყოველივე სიკეთეს. თავს მოუფრთხილდით, თქვენს ახლობლებს მოუფრთხილდით და უფალი გფარავდეთ ყველას.

წყარო: <https://mospat.ru/ge/news/88138/>